



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-40-1-16/26
Sarajevo, 17.01.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 16.01.2026. do 08:30 sati 17.01.2026. godine

Kantonalna uprava civilne zaštite Kantona Sarajevo: S obzirom da se prema vremenskim prognozama od Federalnog hidrometeorološkog zavoda i u narednom periodu na području Kantona Sarajevo očekuju više temperature zraka uslijed čega dolazi do naglog topljenje snijega i porasta vodostaja rijeka i potoka, kao i moguće pojave lokalnih poplava, te povećanog rizika od klizišta i odrona zbog zasićenosti tla vodom, a naročito na ranije evidentiranim i ugroženim područjima, Kantonalna uprava civilne zaštite Kantona Sarajevo je dana, 16.01.2026. godine pripremila Upozorenja pravnim i fizičkim licima za preduzimanje preventivnih mjera zaštite i spašavanja od naglog topljenja snijega, kojim se upozoravaju sva pravna i fizička lica, da odmah u skladu sa svojim nadležnostima, kao i obavezama, koje su im propisane Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), preduzmu neophodne preventivne mjere zaštite od naglog topljenja snijega (pripreme adekvatne snage i materijalno-tehnička sredstava za brzi odgovor na moguće pojave poplava, klizišta i odrona). Navedenim Upozorenjem, posebno je apelovano na općinske službe civilne zaštite s područja Kantona Sarajevo, da kontinuirano vrše obilazak najugroženijih područja od poplava, klizišta i odrona, te da odmah stave svoje organizovane snage zaštite i spašavanja u stanje pripravnosti, kako bi iste bile spremne kao snage prvog odgovora, da u skladu sa svojim nadležnostima i obavezama po planovima zaštite i spašavanja reaguju na potencijalno moguće poplave, klizišta i odrone na području svojih općina. Upozorenje je proslijeđeno svim općinskim službama civilne zaštite, a putem Press službe Kantona Sarajevo i zvanične web stranice Kantonalne uprave civilne zaštite Kantona Sarajevo sa saržajem istog obavješteni su javnost i građani.

Dana, 16.01.2026. godine **Vlada Kantona Sarajevo** je na 143.vanrednoj sjednici, donijela Odluku o proglašenju epizode „Uzbuna“ u zoni A Plana interventnih mjera u slučajevima prekomjerne zagađenosti zraka u Kantonu Sarajevo.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 manjih intervencije i to: jednu na gašenju zapaljenog smeća u kontejneru, dvije na gašenju zapaljenih automobila, jednu na gašenju elektro kablova na tramvajskoj kontaktnoj mreži, jednu na gašenju zapaljenog manjeg dijela krova dječijeg vrtića, jedan izlazak na teren po dojavi da se u haustoru zgrade pojavio dim, jedan izlazak na teren po dojavi vatro sistema i tri obezbjeđenja na Međunarodnom aerodromu Sarajevo.

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana, 16.01.2026. godine utvrdili su da nema značajnih promjena u odnosu na prethodni dan. Površina tla je prekrivena snijegom, dok je i dalje primjetan dotok vode iz pravca deponije, koji se ulijeva u drenažni kanal u znatno slabijem obimu. U donjem dijelu klizišta, ispod igrališta, i dalje je vidljiva erozija tla, kao i pojava nekoliko novooborenih stabala. Na tlu klizišta nisu uočene nove pukotine.

Na deponiji Knjeginjac nije zabilježeno novo odlaganje građevinskog materijala, a u koritu Bistričkog potoka utvrđen je nešto slabiji dotok vode iz pravca Trebevića, kao iz kapitažnog izvora u blizini mosta na Boguševcu. Protok vode kroz korito na dionici od mosta na Boguševcu prema Latinskoj ćupriji odvija se uredno i bez zastoja. Na dionici iznad mosta, koja se nalazi na području Općine Istočni Stari Grad, i dalje je evidentno prisustvo oborenih stabala i urušenih stijene u koritu, što može predstavljati potencijalnu prepreku u slučaju povećanog vodostaja.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih rdova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -1°C, vlažnost zraka 98%, barometarski pritisak 932,0 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvija po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a